

歸震川許點百二十子

評點百二十子卷十九

崑山 歸有光 熙甫 范輯

長洲 文震孟 文起 重訂

封龍子

姓韓名嬰燕人漢孝文時為博士景帝時為常山太傅嬰推詩人之意而作外傳武帝時嬰常與董仲舒論於上前其人精悍處事分明能難也

○○○觀語

孔子南遊適楚至於阿谷之隧有處子佩瑱而浣者孔子曰彼婦人其可與言矣乎抽觴以授子貢曰善為之辭以觀其語子貢曰吾北鄙之人也將南之楚逢天之暑思心潭潭願乞一飲以表我心婦人對曰阿谷之隧隱曲之汜其水載清載濁流而趨海欲飲則飲何問婦人乎受子貢觴迎流而挹之魚然而棄之促流而挹之魚然而溢之坐置之沙上曰禮固不親授子貢以告孔子曰丘知之矣抽琴去其軫以授子貢曰善為之辭以

王少廣曰
光景婉然

汪南溟曰
思致在有
意無意之
間

羅明仲曰
一以正行
一以貞守
可為後世
法

康對山曰
富而有禮
康對山曰
縕袍不恥
陳廣野曰
七者古今

觀其語。子貢曰：嚮子之言，穆如清風，不悖我語。我暢我心於此，有琴而無
軫，願借子以調其音。婦人對曰：吾野鄙之人也，僻陋而無心，五音不知。安
能調琴？子貢以告。孔子曰：丘知之矣。抽絃紵五兩，以授子貢。曰：善為之辭，
以觀其語。子貢曰：吾北鄙之人也，將南之楚，於此有絃紵五兩，不敢以當
子身，敢置之水浦。婦人對曰：客之行，差遲，乘人分其資財，棄之野鄙，吾
年甚少，何敢受子？子不早去，今竊有狂夫守之者矣。詩曰：南有喬木，不可
休思。漢有遊女，不可求思。此之謂也。

王槐野曰：聖賢以禮待人，處子以禮自待，而實詩人起興之旨也。

○○○ 安貧

原憲居魯，環堵之室，茨以蒿菜，蓬戶，甕牖，桷桑而無樞，上漏下濕，匡坐而
絃歌。子貢乘肥馬，衣輕裘，中紺而表素，軒不容巷，而往見之。原憲楮冠，藜
杖而應門，正冠則纓絕，振襟則肘見，納履則踵決。子貢曰：嘻！先生何病也？
原憲仰而應之曰：憲聞之，無財之謂貧，學而不能行之謂病。憲貧也，非病。

學者通弊

鄧定宇曰
可謂不改
其樂

程篁墩曰
顏子明睿
所照即始
見終況于
東野畢盡
馬之力而
不知其敗
乎

也。夫若希世而行。比周而友。學以為人。教以為己。仁義之匿。車之飾。衣裘之麗。憲不忍為之也。子貢逡巡面有慚色。不辭而去。原憲乃徐步曳杖歌。商頌而反聲淪於天地。如出金石。天子不得而臣也。諸侯不得而友也。故養身者忘家。養志者忘身。身且不愛。孰能忝之。詩曰。我心匪石。不可轉也。我心匪席。不可卷也。

王鳳洲曰。此太史公謂一富一貧交情乃見者也。然憲之胸襟已樂天知命處一化齊矣。

御馬

顏淵侍坐。魯定公於臺。東野畢御馬乎臺下。定公曰。善哉。東野畢之御上也。顏淵曰。善則善矣。其馬將佚矣。定公不說。以告左右。曰。聞君子不諧人。君子亦諧人乎。顏淵退。俄而廐人以東野畢馬敗聞矣。定公揭席而起曰。輒駕名。顏淵。顏淵至。定公曰。鄉寡人曰。善哉。東野畢之御也。吾子曰。善則善矣。然則馬將佚矣。不識吾子何以知之。顏淵曰。臣以政知之。昔者舜工

林茂貞曰
東野畢御
馬如暴君
使民欲不
佚得乎

林見素曰
其妻見車
轍而駭識
見便超

於使人造父工於使馬舜不窮其民造父不極其馬者以舜無佚民造父無佚馬今東野畢之上車執轡御體正矣周旋步驟朝禮畢矣歷險致遠馬力殫矣然猶策之不已所以知佚也定公曰善可少進顏淵曰獸窮則齧鳥窮則喙人窮則詐自古及今窮其下能不危者未之有也詩曰執轡如組兩驂如舞善御之謂也定公曰寡人之過也

蔡白石曰舜使民無為而治造父使馬心閑體正六轡不亂未聞舜猶誅其民而造父猶策其馬也故顏子曰以政知之可謂善諫者矣列子論御莊子馬蹄可參看

○○接輿

楚狂接輿躬耕以食其妻之市未返楚王使使者齎金百鎰造門曰大王使臣奉金百鎰願請先生治河南接輿笑而不應使者遂不得辭而去妻從市而來曰先生少而為義豈將老而遺之哉門外車轍何其深也接輿曰今者王使使者齎金百鎰欲使我治河南其妻曰豈許之乎曰未也妻

童士昂曰
計所以去
忠義兩全
林見素曰
二引確是
夫婦贊語

楊遂菴曰
夫子所謂
無所取裁
以此
胡淑心曰
巫馬期有
氣節

曰君使不從非忠也從之是遺義也不如去之乃夫負釜鬻妻戴經器變易姓字莫知其所之論語曰色斯舉矣翔而後集接輿之妻是也詩曰逝將去汝適彼樂土適彼樂土爰得我所

楊升菴曰接輿莊子屢見之高士傳云陸通字接輿魯論題曰楚狂今閱此則接輿殆而其妻狂接輿笑而不應則殆而偏僻其妻數言而偕去則狂而得中者也

○○○
投鎌

子路與巫馬期新於韞丘之下陳之富人有處師氏者脂車百乘觴於韞丘之下子路與巫馬期曰使子無忘子之所知亦無進子之所能得此富終身無復見夫子子為之乎巫馬期喟然仰天而歎闐然投鎌於地曰吾嘗聞之夫子勇士不忘喪其元志士仁人不忘在溝壑子不知子與試子與意者其志與子路心慚故負薪先歸孔子曰由來何為偕出而先返也子路曰向也由與巫馬期新於韞丘之下陳之富人有處師氏者脂車百乘

王子充曰
子路直告
而不隱其
心慚處可
以觀過知
仁

王賜谷曰
仁君必恭

觴於韞丘之上。由謂巫馬期曰。使子無忘子之所知。亦無進子之所能得。此富終身無復見夫子。子為之乎。巫馬期喟然仰天而歎。闐然投鎌於地。曰。吾嘗聞夫子。勇士不忘喪其元。志士仁人。不忘在溝壑。子不知子與試。子與。意者其志與由也。心慚。故先負薪歸。孔子援琴而彈。詩曰。肅肅鵝羽。集於苞栩。王事靡盬。不能藝稷黍。父母何怙。悠悠蒼天。曷其有所予。道不行。邪。使汝願者。

楊方震曰。昔漢末管寧與華歆為友。共鋤地。見金。寧揮鋤不顧。歆捉而擲之。人以其知其優劣。巫馬期投鎌而管寧祖之。若子路則不惟不擲之矣。此所以為率爾也。

○○○治道

能制天下。必能養其民也。能養民者。為自養也。飲食適乎藏。滋味適乎氣。勞佚適乎筋骨。寒煖適乎肌膚。然後氣藏平。心術治。思慮得。喜怒起居而遊樂。事時而用足。夫是之謂能自養者也。故聖人不淫佚侈靡者。非鄙夫。

儉恭儉正
自所以自
養也

何啟圖曰
仁義廉勇
正是恭儉
之實

色而愛財用也。養有過。過則不樂。故不為也。是以冬不數浴。非愛水也。夏不頻湯。非愛火也。不高臺榭。非無土木也。不大鐘鼎。非無金錫也。不沈於酒。不貪於色。非辟醜也。直行情性之所安。而制度可以為天下法矣。故用不靡。則足其養。其生而天下稱其仁也。養不害性。足以成教。而天下稱其義也。適情辟餘。不求非其有。而天下稱其廉也。行成不可掩。息刑不可犯。執一道而輕萬物。天下稱其勇也。四行在乎民。居則悅愉。怒則勝敵。故審其所以養。而治道具矣。治道具而遠近畜矣。詩曰。於鑠王師。遵養時晦。言相養者之至於晦也。

王鳳洲曰。尚書德惟善政。政在養民。所以茅茨土階。卑宮菲食。為克勤克儉之聖主。時文景之世。海內富庶。韓嬰恐侈靡一萌。漸不可禁。故發此論。深長之慮切矣。

○○○審禮

君人者。以禮分施。均偏而不偏。臣以禮事君。忠順而不解。父寬惠而有禮。

江荆石曰
以上所謂
敬教五教
也

江荆石曰
如此則窮
則獨善其
身達則兼
善天下者
也

子敬愛而致恭。兄慈愛而見友。弟敬誦而不慢。夫臨照而有別。妻柔順而
聽從。若夫行之而不中道。即恐懼而自疎。此婦道也。偏立即亂。具立即治。
請問兼能之奈何。曰。審禮。昔者先王審禮以惠天下。故德及天地。動無不
當。夫君子恭而不難敬。而不鞏。貧窮而不約。富貴而不驕。應變而不窮。審
之禮也。故君子於禮也敬而安之。其於事也經而不失。其於人也寬裕寡
慾而弗阿。其於儀也脩飾而不危。其應變也齊給便捷而不累。其於百官
伎藝之人也。不與諍能而致用其功。其於天地萬物也。不說其所然。謹財
其盛。其待上也忠順而不解。其使下也均偏而不偏。其於交游也。緣類而
有義。其於鄉曲也。容而不亂。是故窮則有名。通則有功。仁義兼覆天下而
不窮。明通天下。理萬變而不疑。血氣平和。志意廣大。行義塞天地。仁知之
極也。夫是謂先王審之禮也。若是則老者安之。少者懷之。朋友信之。如赤
子之歸慈母也。曰。仁刑義立。教成愛深。禮樂交通。故也。詩曰。禮義卒度。笑
語卒獲。

楊升庵曰此篇工夫虞書克明峻德慎徽五典二節可以該之可謂言近而指遠守約而施博者矣

○○大儒

洪宣之曰
此三段每
段下反跌

洪宣之曰
此三段全
反跌而更

進一步
洪宣之曰
此下全說

正意見大
儒勳功所
在

洪宣之曰
此請三等
客相形

造父天下之善御者矣。無車馬則無所見其能。羿天下之善射者矣。無弓矢則無所見其巧。彼大儒者。調一天下者也。無百里之地則無所見其功。夫車固馬選而不能以致千里者。則非造父也。弓調矢直而不能射遠中微者。則非羿也。用百里之地而不能調一天下。制四夷者。則非大儒也。彼大儒者。雖隱居窮巷陋室。無置錫之地。而王公不能與爭名矣。用百里之地。則千里國不能與之爭勝矣。堯咎暴國一齊。天下莫之能傾。是大儒之勳。其言有類。其行有禮。其舉事無悔。其持檢應變曲當。與時遷徙。與世偃仰。千舉萬變。其道一也。是大儒之稽也。故有俗人者。有俗儒者。有雅儒者。有大儒者。耳不聞學。行無正義。迷迷然以富利為隆。是俗人也。逢衣博帶。略法先王。而足亂世術。謬學雜其衣冠言行。為已同於世俗。而不知其惡。

洪宣之曰
上叙三等
客下叙大
儒之所以
異

洪宣之曰
此夫子所
謂三年有
成者也

也言談議說已無異於老墨而不知分是俗儒者也法先王一制度言行
有大法而明不能濟法教之所不及聞見之所未至知之為知之不知為
不知內不自誣外不誣人以自尊賢敬法而不敢怠傲焉是雅儒者也法
先王依禮義以淺持博以一行萬苟有仁義之類雖鳥獸若別黑白奇物
變怪所未嘗聞見卒然起一方則舉統類以應之無所據援法而度之奄
然如合符節是大儒者也故人主用俗人則萬乘之國亡用俗儒則萬乘
之國存用雅儒則千里之國安用大儒則千里之地久而三年天下諸侯
為臣用萬乘之國則舉措而定一朝之白詩曰周雖舊邦其命維新可謂
白矣謂文王亦可謂大儒已矣

王鳳洲曰篇首兩層立喻俱反跌隨叙勳稽二段方借客形主亦作四
段末以所用關於興亡宜錄以為朝廷用人疏

御對

問者曰古之謂之道者曰先生何也猶言先醒也不聞道術之人則冥於

廖安止曰
先醒如夢
者之醒也
彼後生如
夢而呼之
醒不呼幾
不醒矣若
不生一夢
而長逝者

廖安止曰
至此方悔
至誠臣所
恨誤之桑
榆者

廖安止曰
太賢二字

得失不知亂之所由。眊眊乎其猶醉也。故世主有先生者。有後生者。有不生者。昔者楚莊王謀事。而居有憂色。申公巫臣問曰。王何為有憂也。莊王曰。吾聞諸侯之德。能自取師者。王能自取友者。霸。而與居不若其身者。亡。以寡人之不肖也。諸大夫之論。莫有及於寡人。是以憂也。莊王之德。宜君人。威服諸侯。日猶恐懼。思索賢佐。此其先生者也。昔者宋昭公出亡。謂其御曰。吾知其所以亡矣。御者曰。何哉。昭公曰。吾被服而立。侍御者數十人。無不曰。吾君麗者也。吾發言動事。朝臣數百人。無不曰。吾君聖者也。吾外內不見。吾過失。是以亡也。於是改操易行。安義行道。不出二年。而美聞於宋。宋人迎而復之。謚為昭。此其後生者也。昔郭君出郭。謂其御者曰。吾渴欲飲。御者進清酒。曰。吾饑欲食。御者進乾脯梁糗。曰。何備也。御者曰。臣儲之曰。奚儲之。御者曰。為君之出亡。而道饑渴也。曰。子知吾旦亡乎。御者曰。然。曰。何不以諫也。御者曰。君喜道諛而惡至言。臣欲進諫。恐先郭亡。是以不諫也。郭君作色而怒曰。吾所以亡者。誠何哉。御轉其辭曰。君之所以亡。

說得妙此
時猶不知
悟可笑

廖安止曰
總先生後
生不生妙
妙

李及泉曰
自信真而
儒者氣象
雖然
李及泉曰
不自揣而

者大賢曰。夫賢者所以不為存而亡者何也。御曰。天下無賢而獨賢是以
亡也。伏軾而歎曰。嗟乎。失賢人者如此乎。於是身倦力解。枕御膝而卧。御
自易以備疎行而去。身死中野。為虎狼所食。此其不生者也。故先生者當
年霸楚。莊王是也。後生者。三年而復宋。昭公是也。不生者。死中野。為虎狼
所食。郭君是也。有先生者。後生者。有不生者。詩曰。聽言則對。誦言如醉。
王鳳洲曰。前大儒以俗人俗儒雅儒相形。此先生以後生不生相形。意
異而局同。妙處不相上下。

○○○
辯勇

衛靈公晝寢而起。志氣益衰。使人去召勇士公孫悛。道遭行人卜商。卜商
曰。何驅之疾也。對曰。公晝寢而起。使吾召勇士公孫悛。子夏曰。微悛而勇
若悛者。可乎。御者曰。可。子夏曰。載我而反。至。君曰。使子召勇士何為。召儒
使者曰。行人曰。微悛而勇若悛者。可乎。臣曰。可。即載與來。君曰。諾。延先生
上。趣召公孫悛至。入門。伏劔疾呼曰。商下。我存若頭。子夏顧咄之曰。咄。內

武俠氣質
悍然

何椒丘曰
責以大義
是夫子夾
谷之會家
法何椒丘
守定大義
隨處心服
如此何椒
丘曰此時
用得公孫
曄何在
李及泉曰
公孫曄心
膽墮地矣
幾不得存
若頭李及
泉曰靈公
至是喪然

劒吾將與若言勇於是君令內劒而上子夏曰來吾嘗與子從君而西見趙簡子簡子披髮仗矛而見我君我從十三行之後趨而進曰諸侯相見不宜不朝服不朝服行人卜商將以頸血濺君之服矣使反朝服而見吾君子耶我耶曄曰子也子夏曰子之勇不若我一矣又與子從君而東至阿遭齊君重鞬而坐吾君單鞬而坐我從十三行之後趨而進曰禮諸侯相見不宜相臨以庶掄其一鞬而去之者子耶我耶曄曰子也子夏曰子之勇不若我二矣又與子從君於囿中於是兩寇肩逐我君拔矛下格而還子耶我耶曄曰子也子夏曰子之勇不若我三矣所貴為士者上攝萬乘下不敢敖乎匹夫外立節矜而敵不侵擾內禁殘害而君不危殆是士之所長而君子之所致貴也若夫以長掩短以眾暴寡凌轢無罪之民而成威於閭巷之間者是士之甚毒而君子之所致惡也眾之所誅鋤也詩曰人而無儀不死何為夫何以論勇於人主之前哉於是靈公避席抑手曰寡人雖不敏請從先生之勇詩曰不侮矜寡不畏強禦卜先生也

王陽谷曰胡非子論勇篇可參看 王鳳洲曰孟子謂北宮黝似子夏

朱子謂黝務敵人以子夏篤信聖人故似之讀此守己敵人俱兼之矣

○○時遇

孔子困於陳蔡之間即三經之席七日不食藜羹不糝弟子有饑色讀書

習禮樂不休子路進諫曰為善者天報之以福為不善者天報之以賊今

夫子積德累仁為善久矣意者當遣行乎奚居之隱也孔子曰由來汝小

人也未講於論也居吾語汝予以知者為無罪乎則王子比干何為刳心

而死子以義者為聽乎則伍子胥何為抉目而懸吳東門子以廉者為用

乎則伯夷叔齊何為餓於首陽之山子以忠者為用乎則鮑叔何為而不

用葉公子高終身不仕鮑焦抱木而泣子推登山而燔故君子博學深謀

不遇時者眾矣豈獨丘哉賢不肖者材也遇不遇者時也今無有時賢安

所用哉故虞舜耕於歷山之陽立為天子其遇堯也傳說負土而版築以

大夫其遇武丁也伊尹故有莘氏僮也負鼎操俎調五味而立為相其遇

徐微弦曰
阮窮之際
在率爾未
銘者宜其
溫見

方初菴曰
以上歷舉
賢而不遇
于君者夫
賢而不遇
何所作為

方初菴曰
孫叔敖以
上歷舉聖
賢之由困
而亨者子
胥則前遇
而後不遇
者

方初菴曰
此又以舜
之聖龍進
比干之賢
而有遇有
不遇如此

湯也。呂望行年五十。賣食棘津。年七十。屠於朝歌。九十乃為天子師。則遇
文王也。管夷吾束縛自檻車。以為仲父。則遇齊桓公也。百里奚自賣五羊
之皮。為秦伯牧牛。舉為大夫。則遇秦繆公也。虞丘於天下。以為令尹。讓於
孫叔敖。則遇楚莊王也。伍子胥前功多。後戮死。非知有盛衰也。前遇闔閭
後遇夫差也。夫驥罷鹽車。此非無形容也。莫知之也。使驥不得伯樂。安得
千里之足。造父亦無千里之手矣。夫蘭茝生於茂林之中。深山之間。人莫
見之。故不芬。夫學者非為通也。為窮而不憂困。而志不衰。先知禍福之始。
而心無惑焉。故聖人隱居深念。獨聞獨見。夫舜亦賢聖矣。南面而治天下。
惟其遇堯也。使舜居桀紂之世。能自免於刑戮之中。則為善矣。亦何位之
有。桀殺關龍逢。紂殺王子比干。當此之時。豈關龍逢無知。而王子比干不
慧乎哉。此皆不遇時也。故君子務學脩身。端行而須其時者也。子無惑焉。
詩曰。鶴鳴于九臯。聲聞于天。

王鳳洲曰。世多以成敗論人。至有得志而意氣矜高。失志而跼脊若轅

下駒者均之不知時命者也讀此令人猛省

○○○要離

王陽明曰
菑丘訴殺
蛟龍奇矣
至于得雷
神十日十
夜止眇一
目大奇大
奇

王陽明曰
要離辱之
何難至決
其來攻開
戶俟之為
難又正言
奇之為尤
難

東海有勇士曰菑丘訴以勇猛聞於天下遇神淵曰飲馬其僕曰飲馬於此者馬必死曰以訴之言飲之其馬果沈菑丘訴去朝服拔劍而入三日三夜殺三蛟一龍而出雷神隨而擊之十日十夜眇其左目要離聞之往見之曰訴在乎曰送有喪者往見訴乎墓曰聞雷神擊子十日十夜眇子左目夫天然不全日人怨不旋踵至今涕報何也叱而去墓上振憤者不可勝數要離歸謂門人曰菑丘訴天下之勇士也今日我辱之人中是其必來攻我暮無閉門寢無閉戶菑丘訴果夜來拔劍注要離頸曰子有死罪三辱我以人中死罪一也暮不閉門死罪二也寢不閉戶死罪三也要離曰子待我一言來謁不肖一也拔劍不刺不肖二也刃先辭後不肖三也能殺我者是毒藥之死耳菑丘訴引劍而去曰嘻所不若者天下惟此子爾傳曰公子目夷以辭得國今要離以辭得身言不可不文猶若此乎